

* **Punkto.** 1 Malgranda signo farita per pinta ilo : *skribaj ~oj* ; *interpunkcia ~o* ; *fina ~o* (montranta finon de frazo) ; *du ~o* (atendiganta klarigon aŭ citaĵon) ; *kelk ~o* (montranta, ke la senco de la frazo ne estas komplete esprimita) ; (f) *meti la finan ~on al polemiko*. 2 Malgranda makuleto sur supraĵo : *havi ruĝajn ~ojn sur la haŭto* ; *nigra ~o vidigis en la ĉielo, anoncanta pluvon*. 3 Δ Senlime malvasta spaco, konsiderata kiel havanta nek larĝon, nek longon : *renkonto de du linioj naskas unu ~on*. 4 Preciza loko, kie io okazas : *la ~o de kontakto de du korpoj* ; *apog ~o* ; *la deir ~o*, *alven ~o* ; *la armeo okupis la plej gravajn ~ojn de la lando* ; *domelo, slarunla sur alta ~o de monto* ; *sur kia ~o li frenezigis Z ?* idistoj staras nun sur tiu sama ~o, sur kia ili staris antaŭ 20 jaroj ; *~o de vidado Z* (loko, de kie oni vidas plejbone pentraĵon, pejzaĝon, konstruaĵon) ; (f) : *maniero juĝi la aferojn* ; (f) *rigardi la aferon de malĝusta ~o de vidado Z* ; *tio estas lia tikla, vunda ~o* (pri tio li estas tre impresebla, tio estas lia malforta flanko). 5 Speciala termo, kiun oni atentigas : *la diskutita ~o de la regularo eslis...* ; *la ĉefa ~o estas sukcesi* ; *parolado, prediko pri tri ~oj* (Kp OBJEKTO). Rm. Ev. estas la uzo de ~o. kun la signifo de grado. ~1 (tr). Meti, desegni multajn ~ojn sur io : *~i gravuraĵon* ; *ruĝa floro ~ila per nigraĵoj* ; *griza, nigre ~ila plumaro* ; (f) *herbejo ~ila de floroj B. Vld ~o*. ~o de vidado : *laŭ, el tiu vid ~o vi estas prava*.

* **Punto.** Maldensa, artisme interspacigita teksaĵo, konsistanta en delikata reto el silkaj aŭ linaj fadenoj, servanta kiel fono por floroj aŭ ornamaĵoj faritaj per kudrilo aŭ ŝpinileto : *la maldensa arbaro kovras la teron kvazaŭ aranea ~o B.*

* **Pupo.** 1 Homa figureto ordinare uzata kiel infana ludilo : (f) : *sub tia diktatora reĝimo la reĝo iĝas senpova ~o* ; *elegantulino, nura ~o B.* Kp MARIONETO. 2 Dua senmembra formo de la larvo de lepidopteroj antaŭ ol fariĝi papilio ; = krizalido.

* **Pupilo.** Aperturo en mezo de l' iriso, tra kiu la lumradioj penetras en okulon : *gardi ion, kiel la ~on de sia okulo B.*

* **Puplito.** Mebleto, prezentanta deklivon, sur kiu oni metas libron, kajeron, por pli komforte legi aŭ skribi.

* **Pura.** 1 Karakterizas ion, kies naturo estas miksita je neniu fremda elemento : *pano el ~a tritikoj* ; *~a (senakva) vino* ; *~a oro Z*, *argento* ; *oni prenas ordinare la ~ajn radikojn Z* (sen gramatika finaĵo) ; *~a (neta) profilo* ; *li estas homo en plej ~a senco de l' vorto* (Kp Kerna, Ksenca, Ĝusta, Vera) ; *mi furas, ke ĝi estas ~a vero Z* ; *tiuj respondoj havis karakteron ~e privatum Z* ; *havi sencon ~e pronoman Z* ; *denundoj ~e akademias Z* ; *~e kondiĉa rimedo de interkomunikigado Z*.

2 Karakterizas ion, kies naturo estas difektita de neniu malbona elemento : *spiri ~an aeron* ; *~a (sennuba) ĉielo fulmon ne timas Z* ; *akvo kura, akvo ~a Z* ; (f) *~a besto, manĝaĵo* (permesata de la religio) ; *ĉiu, kiu ekluŝas kadavron, estos mal~a ĝis la vespero Z* ; *esti ~a de peko Z* ; *animo ~a ruzon ne bezonas Z* ; *~a konscienco* ; *la ~a ĉasta ĝojo de fralino Z* ; *vesto eluzila, sed ~eco spirita Z*. Kp ĈASTA, VIRGA, VIRTA, SANKTA, SENMAKULA, SENDIFEKTA, SENPEKA, KRISTALA, DIAFANA. 3 Ne makulita de naŭza substanco (polvo, graso, koto, ktp) : *~a telero, luko, mano* ; *tolajon mal~an lavu en la domo Z* (f : ne montru al fremduloj familiajn disputojn) ; *ŝuoj mal~aj de koto* ; (f) *tro forta juro, la afero ne ~a Z*. ~ema Z. Kutime zorganta pri ~eco. ~lgl. Igi ~a : 1 ~igi oron Z ; ne ~igita argento, kiu kovras argilaĵon Z. 2 Ripoz ~igi matklaran akvon Z ; ~igi ies koron Z ; en ilia buŝo la sankta vorto amo mal~igas Z. 3 ~igi la nazon de infano, siajn ŝuojn ; *mal~igi pantalonon per saĉo*. Mal~a. Tute ne ~a (Kp MAKULITA, KOTA, ŜLIMA, FEĈA, EKSKNEMENTA, KLOAKA).

* **Purgatorio** (K). Loko, en kiu tiuj, kiuj mortas kun graco, suferas pro la pekoj, kiujn ili ne sufiĉe elĉetis surtere per pentopuno.

* **Puritano.** 1 Ano de severmora protestanta sekto, kiu celas restarigi la kristanisman en sian primitivan purecon. 2 Tre severmora homo. ~ismo. Doktrino de la ~oj. Kp PIETISMO.

* **Purpuro.** 1 Violruĝa koloro. 2 Ŝtofo el tiu koloro : *plej delikata tolo k ~o estas ŝiaj vestoj Z* ; *la reĝa, kardinala ~o*.

* **Puso.** Densa flaveta fluaĵo, produktiganta en abscesojo. ~1 (ntr). Produkti ~on : *la absceso ~as*.